



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PPP)
SETIAUSAHA AKHBAR**

11 DISEMBER 2022 (AHAD)



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR DAN MEDIA ONLINE (KPDN)

11 DISEMBER 2022 (AHAD)

Lima kertas kerja isu kos sara hidup dibentang Selasa

Oleh Mohamed Farid Noh
farid_noh@bh.com.my

Johor Bahru: Lima kertas kerja membabitkan isu kos sara hidup akan dibentangkan dalam Mesyuarat Khas Majlis Tindakan Sara Hidup Negara (NACCOL) yang dipengerusikan Perdana Menteri, Datuk Seri Anwar Ibrahim, Selasa ini.

Menteri Perdagangan Dalam Negeri dan Kos Sara Hidup, Datuk Seri Salahuddin Ayub, berkata pembentangan kertas kerja itu adalah penting bagi memastikan jawatankuasa berkenaan dapat mencari penyelesaian isu kos sara hidup rakyat.

"Perdana Menteri akan mempengerusikan Mesyuarat NACCOL pagi Selasa nanti yang membabitkan 15 kementerian dengan lima kertas kerja berhubung isu kos sara hidup akan dibentangkan dan diteliti.

"Antara kementerian yang akan membentangkan kertas kerja adalah Pengangkutan, Pertanian dan Kerterjaminan Makanan, Perdagangan Dalam Negeri dan Kos Sara Hidup (KPDN) serta Sains, Teknologi dan Inovasi.

"Selepas mesyuarat NACCOL itu, baru akan ada keputusan yang dicapai mengenai isu kos sara hidup yang mungkin akan diumumkan Perdana Menteri.

"Apatah lagi ia menjadi antara misi utama Perdana Menteri yang beriltizam untuk bersama-sama atasi isu kos sara hidup," katanya.

Pertemuan rasmi dua kementerian Selasa

Dari muka 1

Beliau berkata demikian pada sidang media selepas merasmikan program berkhatah perdana di Masjid Al Mizan Kempas Baru, di sini, semalam.

Pada 27 November lalu, NACCOL dilaporkan diberi dua minggu untuk mencerakin dan menelusuri implikasi berkaitan subsidi dan harga barangan.

Perdana Menteri dilaporkan memberi tempoh itu sebaik sahaja

anggota Kabinet dilantik dan menteri yang terbabit akan segera menguruskan kedua-dua isu berkenaan.

"Saya beri tempoh dua minggu kerana sesuai dengan keputusan yang harus diambil oleh Jemaah Menteri. Saya dahulukan ini kerana saya anggap masalah kes sara hidup terlalu menyeksa sebahagian besar rakyat miskin.

"Saya beri notis dua minggu selepas pembentukan Kabinet, kita dapat meneliti keseluruhan dasar

dan kementerian yang ditugaskan menyediakan kertas akan memperbincangkan dengan semua (pihak) Perbendaharaan, Bank Negara Malaysia dan sektor swasta sebelum diangkat ke jemaah menteri," katanya.

Dalam pada itu, Salahuddin yang juga Ahli Parlimen Pulai berkata, KPDN juga akan bermesyuarat bersama Kementerian Pertanian dan Keterjaminan Makanan (MAFS) selepas Mesyuarat Khas NACCOL diada-

kan, Selasa ini.

Katanya, mesyuarat berkenaan dijadualkan semalam, namun di-njakkan selepas Mesyuarat Khas NACCOL bagi menyelaraskan isu bekalan makanan dengan lebih teliti.

"Pertemuan rasmi dengan Kementerian Pertanian dan Keterjaminan Makanan akan diadakan Selasa ini, bukan semalam.

"Ia penting untuk dua kementerian ini dapat kita bekerjasama bagi memastikan rantaian beka-

lan makanan dapat berjalan baik.

"Sebab itu Mesyuarat Khas NACCOL, selain mesyuarat dua kementerian pada Selasa ini amat penting. Selepas mesyuarat dua kementerian dibuat, ia akan diteruskan pula dengan memanggil peserta industri ayam telur.

"Ia penting supaya kita dapat penjelasan sebenarnya keadaan yang berlaku terutama gangguan di peringkat pasaran terutama telur ayam gred biasa dan minyak masak bersubsidi," katanya.

Anwar pengerusikan mesyuarat tangani kos sara hidup Selasa ini

JOHOR BAHRU - Lima kertas kerja menangani masalah kos sara hidup rakyat akan dibentangkan menerusi mesyuarat Majlis Tindakan Sara Hidup Negara (NACCOL) yang dijangka diadakan pada Selasa ini.

Menteri Perdagangan Dalam Negeri dan Kos Sara Hidup, Datuk Seri Salahuddin Ayub berkata, mesyuarat disertai 15 kementerian yang menganggotai NACCOL itu dijangka dipengerusikan oleh Perdana Menteri, Datuk Seri Anwar Ibrahim.

"Kementerian Pengangkutan, MAFI (Kementerian Pertanian dan Keterjaminan

Makanan), Kementerian Perdagangan Dalam Negeri dan Kos Sara Hidup (KPDN) dan Kementerian Sains dan Teknologi antara kementerian yang akan membentangkan kertas masing-masing dan kesemuanya melibatkan isu kos sara hidup yang berlaku di dalam negara.

"Selepas mesyuarat NACCOL, kita akan beritahu apakah keputusan yang telah dicapai kerana isu ini menjadi antara topik atau perbincangan yang sangat panas



SALAHUDDIN

dan ia menjadi misi besar Perdana Menteri untuk bersama-sama kita menangani isu kos sara hidup ini," katanya kepada pemberita selepas Program Berkhatan Berkelompok di Masjid Jamek Al-Mizan Kempas di sini pada Sabtu.

Salahuddin yang juga urus setia NACCOL berkata, selesai mesyuarat berkenaan, KPDN akan mengadakan mesyuarat dengan MAFI pada hari yang sama bagi membincangkan isu bekalan telur dan minyak masak peket

bersubsidi.

"Pertemuan ini penting untuk kedua-dua kementerian saling bekerjasama bagi memastikan rantaian bekalan makanan dapat kita pastikan berjalan dengan baik, selain meneliti dengan cermat apakah perkara yang menjadi gangguan terhadap rantaian bekalan itu," katanya.

Salahuddin kemudiannya akan mengadakan perjumpaan dengan para pemain industri telur ayam dan minyak masak peket bersubsidi bagi mengenal pasti situasi sebenar dan mendapatkan maklumat terkini berhubung kedua barangan itu. - Bernama

Johor Bahru: Pemain industri ayam telur dipanggil dalam tempoh terdekat untuk beri penjelasan berkaitan gangguan di pasaran.

Menteri Perdagangan Dalam Negeri dan Kos Sara Hidup Datuk Seri Salahuddin Ayub (*gambar*) berkata, mereka dipanggil selepas Mesyuarat Khas Majlis Tindakan Sara Hidup Negara (NACCOL) dan mesyuarat Kementerian Perdagangan Dalam Negeri dan Kos Sara Hidup (KPDNKS) serta Kementerian Pertanian dan Keterjaminan Makanan Selasa ini.

"Mesyuarat Khas NACCOL selain mesyuarat dua kementerian pada Selasa ini amat penting. Selepas mesyuarat dua kementerian dibuat, ia diteruskan dengan memanggil pemain industri ayam telur.

"Ia penting supaya kita dapat penjelasan sebenar keadaan berlaku, terutama gangguan di peringkat pasaran terutama membabitkan telur ayam gred biasa dan minyak masak bersubsidi," katanya, semalam.

Beliau berkata demikian pada sidang media selepas merasmikan program berkhidmat perdana di Masjid Al Mizan Kempas Baru di sini.

Pemain industri ayam telur dipanggil beri penjelasan

Salahuddin yang juga Ahli Parlimen Pulai berkata, sepatutnya, KPDNKS dijangka bermesyuarat bersama Kementerian Pertanian dan Keterjaminan Makanan kelmari namun dianjakan selepas Mesyuarat Khas NACCOL bagi menyelesaikan isu bekalan makanan dengan lebih teliti.

"Pertemuan rasmi dengan Kementerian Pertanian dan Keterjaminan Makanan diadakan Selasa ini, bukan semalam (kelmarin).

"Ia penting untuk dua kementerian ini dapat kita bekerjasama bagi memastikan rantai bekalan makanan berjalan lancar," katanya.

Terdahulu, menurutnya, pada Selasa ini, lima kertas kerja membabitkan isu kos sara hidup dibentangkan pada Mesyuarat Khas NACCOL yang dipengerusikan Perdana Menteri Datuk Seri Anwar Ibrahim.

Salahuddin berkata, pembentangan kertas kerja itu penting bagi memastikan jawatankuasa berkenaan dapat mencari penyelesaian

isu kos sara hidup rakyat.

"Perdana Menteri memimpin Mesyuarat NACCOL pagi Selasa nanti yang membabitkan 15 kementerian dengan lima kertas kerja berhubung isu kos sara hidup dibentangkan dan diteliti.

"Antara kementerian yang membentangkan kertas kerja adalah Pengangkutan, Pertanian dan Keterjaminan Makanan, Perdagangan Dalam Negeri dan Kos Sara Hidup (KPDN) serta Sains, Teknologi dan Inovasi.

"Selepas mesyuarat NACCOL itu, baru ada keputusan dicapai mengenai isu kos sara hidup yang mung-

kin diumumkan Perdana Menteri.

"Apatah lagi ia menjadi antara misi utama Perdana Menteri yang beriltizam bersama-sama atasi isu kos sara hidup," katanya.

Pada 27 November lalu, NACCOL dilaporkan diberi tempoh dua minggu untuk mencerakin dan menelusuri implikasi berkaitan subsidi dan harga barangan.

Perdana Menteri dilaporkan memberi tempoh itu sebaik anggota Kabinet dilantik dan menteri terbabit segera menguruskan kedua-dua isu berkenaan.



Polis rampas diesel 36,650 liter

Kajang: Polis menumpas sindiket penyelewengan diesel bersubdisi selepas menyerbu sebuah premis di Jalan Sungai Lalang, Semenyih di sini, Rabu lalu.

Ketua Pegawai Penguatkuasa Kementerian Perdagangan Dalam Negeri dan Kos Sara Hidup (KPDNKKSH) Kajang, Ruhaizad Zahari berkata, pihaknya menerima satu kes serahan daripada polis mengikut Akta Kawalan Bekalan 1961.

Menurutnya, dalam serbuan jam 3.35 petang itu, polis menahan lima lelaki berusia 22 hingga 47 tahun sebelum mereka dilepaskan dengan jaminan polis sejurus soal siasat selesai.

"Di lokasi serahan, terdapat sebuah lori tangki berwarna kelabu berisi cecair disyaki diesel dengan anggaran 19,110 liter.

"Terdapat juga 15 tangki IBC warna putih di mana

lapar daripadanya berisi cecair juga disyaki diesel dianggarkan sebanyak 5,540 liter selain satu unit skid tank dipercayai mengandungi diesel dianggarkan sebanyak 11,000 liter.

"Anggaran jumlah keseluruhan cecair disyaki diesel diserahkan untuk tindakan adalah sebanyak 36,650 liter dengan nilai rampasan RM76,648," katanya dalam satu kenyataan, semalam.

Menurutnya, hasil soal siasat terhadap lima suspek didapati mereka gagal mengemukakan dokumen atau kebenaran daripada Pengawal Bekalan bagi menyimpan dan berurusan dengan barang kawalan iaitu diesel dan petrol secara sah.

"Susulan itu, lori dan peralatan lain bersama wang tunai dirampas membabitkan jumlah keseluruhan RM127,247.50," katanya.



COST OF LIVING: A NEW APPROACH

A HIGH-LEVEL government meeting on Tuesday will discuss a holistic way to address an issue close to the people's hearts.

» REPORT BY **MOHAMED FARID NOH**
AND **NURADZIMMAH DAIM** ON PAGE 2

FOOD SUPPLY

5 PAPERS TO BE TABLED AT COST-OF-LIVING MEET

**PM will chair
Tuesday forum,
which will see
the involvement
of 15 ministries**

MOHAMED FARID NOH
AND NURADZIMMAH DAIM
JOHOR BARU
news@nst.com.my

THE government has decided to adopt a holistic approach when it comes to tackling the rising cost of living.

Five working papers focusing on this issue will be tabled at the special meeting of the National Action Council on Cost of Living (Naccol) chaired by the Prime Minister Datuk Seri Anwar Ibrahim on Tuesday.

Domestic Trade and Cost of Living Minister Datuk Seri Salahuddin Ayub yesterday said the tabling was important to ensure that the committee could resolve the matter.

Federation of Malaysian Consumers Associations (Fomca) secretary-general Datuk Dr Paul Selvaraj said the meeting would see overlapping issues, such as fuel costs and prices of goods, addressed more effectively and efficiently.

Selvaraj, who will attend the meeting, said the two main expenditures in households were food and transport, which were also intertwined in different parts of the supply chain.

"If the price of fuel increases, the costs of raw and cooked food will also rise.

"More than 40 per cent of a household's income is spent on food, so we have to ensure its availability and affordability," he told the *New Sunday Times*.

As transportation costs are another huge expense for people, he suggested that improvements to the transportation system be made so it becomes the first choice for people.

"We need to be cautious on targeted subsidies for fuel to ensure they reach the most deserving."

Selvaraj said the agriculture and food industries were under-invested, putting the country at risk of insufficient supplies during periods of global instability.

"The food supply chain in Malaysia should be liberated to ensure competition and to put a stop to monopolisation."

He suggested more investments be made in healthcare, as public hospitals were overburdened.

The special meeting would involve 15 ministries.

"Among the ministries that will present papers are Transport, Agriculture and Food Security, my ministry, and Science, Technology and Innovation," said Salahuddin after officiating a circumcision programme at the Al Mizan Kem-pas Baru mosque.

"After the meeting, a decision will be adopted, which the prime minister will announce."

On Nov 27, Naccol was given two weeks to analyse and investigate issues related to subsidies and the price of goods.

Cost of living was a hot button issue in the 15th General Election, where the problems included the rising costs of transportation and chicken and egg shortages.

Salahuddin said his ministry would meet the Agriculture and Food Security Ministry after the special meeting to better coordinate on food supply issues.

"It is important for these two ministries to work together to ensure the food supply chain can be run well. That's why the special meeting and the meeting between the two ministries on Tuesday are important."

"After that, we will meet chicken and egg industry players."



**Datuk Seri
Salahuddin Ayub**



Anggota penguat kuasa memeriksa premis menyimpan diesel bersubsidi di Jalan Sungai Lalang, Semenyih, Rabu lalu.

(Foto ihsan KPDN)

Sindiket seleweng diesel tumpas

Kajang: Polis Diraja Malaysia (PDRM) menumpaskan sindiket penyelewengan diesel bersubsidi membabitkan nilai rampasan RM127,247.50 selepas menyerbu premis di Jalan Sungai Lalang, Semenyih, di sini, Rabu lalu.

Ketua Pegawai Penguat Kuasa Kementerian Perdagangan Dalam Negeri dan Kos Sara Hidup (KPDN) Kajang, Ruhaizad Zahari, berkata pejabat KPDN Kajang menerima kes serahan daripada PDRM mengikut Akta Kawalan Bekalan 1961 yang diambil tindakan pada jam 3.35 petang.

Katanya, setiba di lokasi, didapati pihak PDRM menahan lima orang berusia 22 hingga 47 tahun dan dilepaskan dengan jaminan polis sejourus soal sia-

sat selesai dijalankan.

"Di lokasi serahan terdapat sebuah sebuah lori minyak tangki berwarna kelabu berisi cecair yang disyaki minyak diesel dengan anggaran 19,110 liter," katanya.

36,650 liter diesel dirampas

Selain itu, katanya, ada 15 tangki warna putih yang mana lapan daripadanya berisi cecair disyaki minyak diesel dianggarkan 5,540 liter, manakala satu tangki berisi cecair dipercayai minyak diesel dianggarkan 11,000 liter.

"Anggaran jumlah keseluruhan cecair yang disyaki minyak diesel diserahkan oleh PDRM menerusi tindakan kes ini ialah 36,650 liter yang membawa nilai rampasan

RM76,648," katanya dalam kenyataan, semalam.

Ruhaizad berkata, lima orang yang ditahan gagal mengemukakan dokumen atau kebenaran daripada pengawal bekalan bagi menyimpan dan mengurus niaga barang kawalan, iaitu diesel dan petrol secara sah.

"Susulan itu, lori dan peralatan lain bersama wang tunai dirampas membabitkan jumlah keseluruhan RM127,247.50.

"KPDN Pejabat Kajang dalam tindakan menyiasat kes serahan PDRM ini mengikut Akta Kawalan Bekalan dengan potensi kesalahan di bawah Peraturan 3 (1) Peraturan Peraturan Kawalan Bekalan 1974 dibaca bersama Seksyen 21 Akta Kawalan Bekalan 1961," katanya.

27 timbalan menteri angkat sumpah

4 kumpulan lafaz ikrar di hadapan Seri Paduka sebelum tandatangan dokumen lantikan

Kuala Lumpur: Seramai 27 timbalan menteri mengangkat sumpah jawatan di hadapan Yang di-Pertuan Agong Al-Sultan Abdullah Ri'ayatuddin Al-Mustafa Billah Shah, di Istana Negara di sini, semalam.

Semua timbalan menteri itu melafazkan ikrar sumpah jawatan dan taat setia, sebelum menandatangani dokumen rasmi pelantikan, dengan disaksikan Ketua Hakim Negara, Tun Tengku Maimun Tuan Mat dan Ketua Setiausaha Negara, Tan Sri Mohd Zuki Ali.

Perdana Menteri, Datuk Seri Anwar Ibrahim dan isteri, Datuk Seri Dr Wan Azizah Wan Ismail, turut hadir menyaksikan majlis Istiadat Pengurniaan Surat Cara Pelantikan dan Istiadat Mengangkat Sumpah Jawatan dan Setia Serta Sumpah Simpan Rahsia, yang bermula jam 3 petang.

Dua Timbalan Perdana Menteri, iaitu Datuk Seri Dr Ahmad Zahid Hamidi yang juga Menteri Kemajuan Desa dan Wilayah serta Datuk Seri Fadillah Yusof, yang juga Menteri Perladangan dan Komoditi turut hadir bersama isteri masing-masing.

Turut hadir, Ketua Polis Negara, Tan Sri Acryl Sani Abdullah Sani dan Panglima Angkatan Tentera, Jeneral Tan Sri Affendi Buang.



Dari kanan, Ahmad, Steven, Rubiah, Siti Aminah, Hasbi, Foong Hin dan Hanifah Hajar mengangkat sumpah jawatan di hadapan Al-Sultan Abdullah di Istana Negara, semalam.

(Foto BERNAMA)

Kumpulan pertama

Pada istiadat itu, timbalan menteri itu dibahagikan kepada empat kumpulan, dengan kumpulan pertama dimulai dua Timbalan Menteri Kewangan, iaitu Setiausaha Agung UMNO, Datuk Seri Ahmad Maslan dan Setiausaha Organisasi DAP Kebangsaan, Steven Sim Chee Keong.

Kumpulan itu terdiri daripada Ahli Parlimen Kota Samarahan, Datuk Rubiah Wang yang dilantik Timbalan Menteri Kemajuan Desa dan Wilayah; Ahli Parlimen Beaufort, Datuk Siti Aminah Aching (Timbalan Menteri Perladangan dan Komoditi); Datuk Hasbi Habibollah (Timbalan Menteri Pengangkutan); Chan Foong Hin (Timbalan Menteri Pertanian dan Keterjaminan Makanan) dan Datuk Hanifah Hajar Taib (Timbalan Menteri Ekonomi).

Kumpulan kedua pula terdiri daripada tujuh timbalan menteri, iaitu Pengarah Strategi PKR, Akmal Nasrullah Mohd Nasir

yang dilantik sebagai Timbalan Menteri Pembangunan Kerajaan Tempatan; Pengerusi Pakatan Harapan (PH) Melaka, Adly Zahari (Timbalan Menteri Pertahanan) dan Datuk Seri Abdul Rahman Mohamad (Timbalan Menteri Kerja Raya).

Turut berada dalam kumpulan sama ialah Pengarah Komunikasi Barisan Nasional (BN), Datuk Seri Dr Shamsul Anuar Nasarah sebagai Timbalan Menteri Dalam Negeri; Pengerusi DAP Johor, Liew Chin Tong (Timbalan Menteri Perdagangan Antarabangsa dan Industri); Ahli Parlimen Lahad, Datuk Mohamad Yusof Apdal (Timbalan Menteri Pendidikan Tinggi) dan Timbalan Presiden Parti Bersatu Rakyat Sabah (PBRS), Datuk Arthur Joseph Kurup (Timbalan Menteri Sains, Teknologi dan Inovasi).

Kumpulan ketiga pula diketuai Ketua Wanita Parti Amanah Negara (AMANAH), Aiman Athirah Sabu (Timbalan Menteri Pemba-

ngunan Wanita, Keluarga dan Masyarakat); diikuti bekas Ketua Wanita PKR, Senator Fuziah Salleh (Timbalan Menteri Perdagangan Dalam Negeri dan Kos Sara Hidup) dan Ahli Parlimen Bukit Gelugor, Ramkarpal Singh (Timbalan Menteri di Jabatan Perdana Menteri (Undang-Undang dan Reformasi Institusi)).

Selain itu, Ahli Parlimen Sarikei, Datuk Seri Huang Tiong Sii (Timbalan Menteri Sumber Asli, Alam Sekitar dan Perubahan Iklim); Naib Presiden PKR, Senator K Saraswathy (Timbalan Menteri Pembangunan Usahawan dan Koperasi); Ahli Parlimen Kimanis, Datuk Mohamad Alamin (Timbalan Menteri Luar Negeri) dan Ahli Parlimen Batu Sapi, Khairul Firdaus Akbar Khan (Timbalan Menteri Pelancongan, Seni dan Budaya).

Kumpulan terakhir terdiri daripada Ahli Parlimen Kulai, Teo Nie Ching (Timbalan Menteri Komunikasi dan Digital); Ahli Par-

limen Tanjong, Lim Hui Ying (Timbalan Menteri Pendidikan); Ahli Parlimen Hang Tuah Jaya, Adam Adli Abd Halim (Timbalan Menteri Belia dan Sukan); Ahli Parlimen Sepanggar Mustapha @ Mohd Yunus Sakmud (Timbalan Menteri Sumber Manusia); Ahli Parlimen Sibuti, Lukanisman Awang Sauni (Timbalan Menteri Kesihatan) dan Ahli Parlimen Hulu Rajang, Datuk Wilson Ugak Kumbong (Timbalan Menteri di Jabatan Perdana Menteri (Hal Ehwal Sabah, Sarawak dan Tugas-tugas Khas)).

Anwar mengumumkan pelantikan 27 timbalan menteri terbahit, pada sidang media khas kelmarin, sekali gus melengkapkan barisan Kabinet Kerajaan Perpaduan pimpinannya.

Angkat sumpah Senator

Terdahulu, Saraswathy dan Fuziah mengangkat sumpah jawatan sebagai Ahli Dewan Negara bagi tempoh sepenggal berkuat kuasa, semalam.

Upacara berkenaan berlangsung di hadapan Yang Dipertua Dewan Negara, Tan Sri Dr Rais Yatim, di Bangunan Parlimen, di sini, pada jam 9.04 pagi.

Sementara itu, Rais dalam ucapan aluan pelantikan kedua-dua senator berkenaan, menasihati mereka mengambil perhatian terhadap apa yang dilafazkan dalam sumpah setia iaitu kewajipan serta berusaha sedaya upaya dalam menjalankan tugas.

Katanya, senator juga bersumpah supaya jaat setia kepada negara dan memelihara serta mempertahankan Perlembagaan.

"Jangan lupakan dewan ini terutama dalam menunaikan tanggungjawab hadir semasa menjawab soalan dan semasa diperlukan dewan yang mulia ini," katanya. **BERNAMA**

27 timbalan menteri angkat sumpah

Kesemua
timbalan menteri
melengkapkan
barisan
Kerajaan Perpaduan

KUALA LUMPUR

Seramai 27 timbalan menteri mengangkat sumpah jawatan di hadapan Yang di-Pertuan Agong Al-Sultan Abdullah Ri'ayatuddin Al-Mustafa Billah Shah di Istana Negara di sini, Sabtu.

Kesemua timbalan menteri itu melafazkan ikrar sumpah jawatan dan taat setia sebelum menandatangani dokumen rasmi pelantikan dengan disaksikan

Ketua Hakim Negara, Tun Tengku Maimun Tuan Mat dan Ketua Setiausaha Negara, Tan Sri Mohd Zuki Ali.

Perdana Menteri, Datuk Seri Anwar Ibrahim dan isteri Datuk Seri Dr Wan Azizah Wan Ismail turut hadir menyaksikan majlis Istiadat Pengurniaan Surat Cara Pelantikan dan Istiadat Mengangkat Sumpah Jawatan dan Setia Serta Sumpah Simpan Rahsia yang bermula jam 3 petang.

Dua Timbalan Perdana Menteri iaitu Datuk Seri Dr Ahmad Zahid Hamidi yang juga Menteri Kemajuan Desa dan Wilayah serta Datuk Seri Fadillah Yusof yang juga Menteri Perlindungan dan Komoditi, hadir bersama isteri masing-masing.

Hadir sama Ketua Polis Negara, Tan Sri Acryl Sani Abdullah Sani dan Panglima Angkatan Tentera, Jeneral Tan



Al-Sultan Abdullah berkenan bergambar bersama anggota jemaah menteri selepas Istiadat Pengurniaan Surat Cara Pelantikan dan Istiadat Mengangkat Sumpah jawatan dan Setia serta Sumpah Simpan Rahsia Timbalan Menteri Persekutuan di Istana Negara pada Sabtu.

Sri Affendi Buang.

Kesemua timbalan menteri di bawah Kerajaan Perpaduan itu mengangkat sumpah jawatan susulan pengumuman senarai timbalan perdana menteri oleh

Anwar, malam Sabtu.

Pada istiadat itu, timbalan-timbalan menteri tersebut dibahagikan kepada empat kumpulan dengan kumpulan pertama dimulai oleh dua

Timbalan Menteri Kewangan iaitu Setiausaha Agung UMNO, Datuk Seri Ahmad Maslan dan Setiausaha Organisasi DAP Kebangsaan, Steven Sim Chee Keong. - Bernama



AL-SULTAN ABDULLAH (tiga dari kanan) berkenan bergambar bersama barisan Timbalan Menteri pada Istiadat Pengumlaan Surat Cara Pelantikan dan Istiadat Mengangkat Sumpah Jawatan dan Setia serta Sumpah Simpan Rahsia Timbalan Menteri Persekutuan di Istana Negara semalam. - IHSAN JABATAN PENERANGAN

27 Timbalan Menteri Kerajaan Perpaduan selesai angkat sumpah di Istana Negara

SERAMAI 27 orang pemimpin selesai mengangkat sumpah jawatan Timbalan Menteri baharu yang berlangsung di hadapan Yang di-Pertuan Agong, Al-Sultan Abdullah Ri'ayatuddin Al-Mustafa

Billah Shah di Istana Negara, Kuala Lumpur semalam.

Istiadat tersebut turut dihadiri oleh Perdana Menteri, Datuk Seri Anwar Ibrahim serta dua Timbalan Perdana Menteri iaitu

Datuk Seri Ahmad Zahid Hamidi dan Datuk Seri Fadillah Yusof serta barisan Menteri Kabinet Kerajaan Perpaduan.

Turut menyaksikan angkat sumpah jawatan tersebut ialah

Panglima Angkatan Tentera, Jeneral Tan Sri Affendi Buang; Ketua Setiausaha Negara, Tan Sri Mohd. Zuki Ali; Ketua Hakim Negara, Tun Tengku Maimun Tuan Mat serta Ketua

Polis Negara, Tan Sri Acryl Sani Abdullah Sani.

Majlis istiadat tersebut berlangsung hampir sejam bermula pukul 3 petang di Balairong Seri Istana Negara.



YANG di-Pertuan Agong Al-Sultan Abdullah Ri'ayatuddin Al-Mustafa Billah Shah berkenan bergambar bersama barisan timbalan menteri pada Istiadat Pengurniaan Surat Cara Pelantikan dan Istiadat Mengangkat Sumpah Jawatan dan Setia serta Sumpah Simpan Rahsia di Istana Negara semalam. - IHSAN JABATAN PENERANGAN MALAYSIA

Ahmad Maslan, Steven Sim ketuai angkat sumpah

Oleh ROSALINDA MD.SAID
rosalinda.said@mediamula.com.my

PETALING JAYA: Dua Timbalan Menteri Kewangan iaitu Datuk Seri Ahmad Maslan dan Steven Sim Chee Keong mengetuai senarai 27 timbalan menteri yang mengangkat sumpah jawatan di hadapan Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah di Istana Negara, semalam.

Istiadat diteruskan dengan Timbalan Menteri Kemajuan Desa dan Wilayah, Datuk Rubiah Wang; Timbalan Menteri Perlindungan dan Komoditi, Datuk Siti Aminah Aching; Timbalan Menteri Pengangkutan, Datuk Hasbi Habibollah; Tim-

balan Menteri Pertanian dan Keterjaminan Makanan, Chan Foong Hin dan Timbalan Menteri Ekonomi, Datuk Hanifah Hajar Taib.

Turut mengangkat sumpah, Timbalan Menteri Pembangunan Kerajaan Tempatan, Akmal Nasrullah Mohd Nasir; Timbalan Menteri Pertahanan, Adly Zahari; Timbalan Menteri Kerja Raya, Datuk Seri Abdul Rahman Mohamad; Timbalan Menteri Dalam Negeri, Datuk Seri Dr. Shamsul Anuar Nasarah; Timbalan Menteri Perdagangan Antarabangsa dan Industri, Liew Chin Tong; Timbalan Menteri Pendidikan Tinggi, Mohammad Yusof Apdal dan Timbalan Menteri Sains,

Teknologi dan Inovasi, Datuk Arthur Joseph Kurup.

Di samping itu Timbalan Menteri Wanita, Keluarga dan Masyarakat, Aiman Athirah Sabu; Timbalan Menteri Perdagangan Dalam Negeri dan Kos Sara Hidup, Fuziah Salleh; Timbalan Menteri di Jabatan Perdana Menteri (Undang-undang dan Reformasi Institusi), Ramkarpal Singh; Timbalan Menteri Sumber Asli, Alam Sekitar dan Perubahan Iklim, Datuk Seri Huang Tiong Sii; Timbalan Menteri Pembangunan Usahawan dan Koperasi, K. Saraswathy; Timbalan Menteri Luar Negeri, Datuk Mohamad Alamin dan Timbalan Menteri Pelancongan, Seni dan Budaya,

Khairul Firdaus Akbar Khan;

Mereka yang lain ialah Timbalan Menteri Komunikasi dan Digital, Teo Nie Ching; Timbalan Menteri Pendidikan, Lim Hui Ying; Timbalan Menteri Belia Dan Sukan, Adam Adli Abd. Halim; Timbalan Menteri Sumber Manusia, Mustafa @ Mohd. Yunus Sakmud; Timbalan Menteri Kesihatan, Lukanisman Awang Sauni dan Timbalan Menteri di Jabatan Perdana Menteri, Datuk Wilson Ugak Kumbong.

Terdahulu, Saraswathy dan Fuziah mengangkat sumpah memegang jawatan sebagai Senator di hadapan Yang Dipertua Dewan Negara, Tan Sri Dr. Rais Yatim, pagi semalam.

Saraswathy, Fuziah angkat sumpah senator

Kuala Lumpur: Naib Presiden PKR K Saraswathy dan bekas Ketua Wanita PKR Fuziah Salleh mengangkat sumpah jawatan sebagai Ahli Dewan Negara bagi tempoh sepenggal berkuat kuasa, semalam.

Upacara mengangkat sumpah jawatan berkenaan berlangsung di hadapan Yang Dipertua Dewan Negara Tan Sri Dr Rais Yatim di Bangunan Parlimen di sini, jam 9.04 pagi.

Saraswathy dan Fuziah antara 27 timbalan menteri yang dilantik seperti di-

umumkan Perdana Menteri Datuk Seri Anwar Ibrahim kelmarin, masing-masing menggalas jawatan Timbalan Menteri Pembangunan Usahawan dan Koperasi serta Timbalan Menteri Perdagangan Dalam Negeri dan Kos Sara Hidup.

Fuziah sebelum ini pernah memegang jawatan Timbalan Menteri di Jabatan Perdana Menteri (Hal Ehwal Agama) semasa pentadbiran kerajaan Pakatan Harapan (PH) pada 2018.

Pada Pilihan Raya Umum ke-15, Saraswathy tewas di

Tapah manakala Fuziah kalah di Kuantan.

Kelmarin, Anwar mengumumkan pelantikan 27 timbalan menteri yang mendapat perkenan Yang di-Pertuan Agong Al-Sultan Abdullah Ri'ayatuddin Al-Mustafa Billah Shah.

Rais dalam ucapan aluan pelantikan kedua-dua senator itu menasihatkan mereka supaya mengambil perhatian terhadap apa yang dilafazkan dalam sumpah setia iaitu kewajipan serta berusaha sedaya upaya dalam menjalankan tugas.

Katanya, senator berkenaan juga bersumpah supaya taat setia kepada negara dan memelihara, melindungi serta mempertahankan Perlembagaan.

"Selepas kita melangkaui pintu dewan ini keluar, kebiasaannya kita lupa atas apa yang dilafazkan itu. Seruan saya (bukan) cuma pada pagi ini (semalam), seruan itu tetap berlegar dalam pemikiran dan menjalankan tugas sebagai seorang senator atau Ahli Dewan Negara di samping tugas rasmi dalam kerajaan," katanya.



RAIS (kanan) berbual dengan Saraswathy (tengah) dan Fuziah selepas kedua mereka mengangkat sumpah jawatan sebagai Ahli Dewan Negara, semalam.